

Testo critico

I.

N'est pas sages ki emprent

A amer en esperanche

K'il ait ja alegement

De dolour ne de grevanche

5 C'Amours li facent sentir,

Se che n'est par bien mentir.

K'il est ensi

Ke ja feme n'amera sen vrai ami.

II.

Je cuidai premierement,

10 Quant je amai en m'enfanche,

Ke pour amer loiaument

Pleüsse a la bele franche

Et ke me vausist cierir,

Mais a che ne puis venir.

15 *K'il est ensi*

Ke ja feme n'amera sen vrai ami.

III.

Amers ne me vaut noient,

Car mis m'a en oublianche,

Cele ki m'art et esprent;

20 Grans anuis et mescheanche

Li puist awan avenir;

Lie est ke me fait languir.

K'il est ensi

Ke ja feme n'amera sen vrai ami.

IV.

25 J'ai servi si longement

En pardon et en baanche

Que ja guerredonement

Ne qui? avoir n'eskeanche;

Trop est faus ki aservir

30 Se laist por amour servir.

K'il est ensi

Ke ja feme n'amera sen vrai ami.

V.

Se j'ai parlé folement

Ne dit nule outreuidanche

35 De feme, je m'en repent,
Mais ire et desesperanche
M'a fait avoir cest aïr,
Dont encor ne puis issir.
 K'il est ensi
40 Ke ja feme n'amera sen vrai ami.

i. 1. *SP.*, *Stengel* qui ii. 13. *Stengel* vousist iii. 19 *SP.*, *Stengel* qui 21. *Stengel* ouan iv. 25. *Stengel* corregge in J'ai la lettura di Noack Ja;
il ms. riporta lai. 29 *Stengel* fous v. 34 *Stengel* mule, indubbiamente errore di stampa (cf. anche *SP.* in apparato)

- letto 441 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/testo-critico-13>